

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԿԱՅԻՆ ԵՎ ՄԱՔՍԱՅԻՆ ՄԱՐՄԻՆՆԵՐԻ ԲՈՂՈՔԱՐԿՄԱՆ
ՀԱՆՁՆԱԺՈՂՈՎ**

ՈՐՈՇՈՒՄ N 72/4

ք.Երևան

14 սեպտեմբերի 2023թ.

Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը (այսուհետ նաև՝ Հանձնաժողով), քննության առնելով 2023թ.-ի շահութահարկի տարեկան հաշվարկը հարկային մարմին հանձնելու վերաբերյալ «ՍԱԼՅՈՒՏ ՊԼՅՈՒՍ ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՄԱՍՆԱՃՅՈՒՂ» Օտարերկրյա իրավաբանական անձի մասնաճյուղի (ՀՎՀՀ՝ 02298897) դիմում-բողոքը՝

ՊԱՐԶԵՑ

«ՍԱԼՅՈՒՏ ՊԼՅՈՒՍ ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՄԱՍՆԱՃՅՈՒՂ» Օտարերկրյա իրավաբանական անձի մասնաճյուղը (այսուհետ նաև՝ Կազմակերպություն) հայտնում է, որ գտնվելով լուծարման գործընթացում փորձել է մի քանի անգամ ներկայացնել 2023թ.-ի շահութահարկի տարեկան հաշվարկը, որին ի պատասխան էլեկտրոնային հաշվետվությունների ներկայացման համակարգի կողմից ստացել է հետևյալ հաղորդագրությունը՝ «Դուք չեք կարող հանձնել ընթացիկ ժամանակաշրջանի համար» հաշվետվությունը: Մինչև լուծարման պրոցեսի ավարտը՝ 11.08.2023թ.-ը մի քանի անգամ փորձել է ներկայացնել, սակայն ապարդյուն: Թեժ գծի միջոցով կապ են հաստատել էլեկտրոնային հարցերով մասնագետների հետ, նշելով խնդրի մասին, ի պատասխան մասնագետները նշել են, որ ինֆորմացիա չեն ստացել «Պետական Ռեգիստրի Գործակալություն»-ից լուծարման գործընթացի վերաբերյալ, այդ պատճառով էլ չի ստացվում հանձնել հաշվետվությունը:

Կապ են հաստատել նաև «Պետական Ռեգիստրի Գործակալության» մասնագետների հետ, որին ի պատասխան հայտնել են, որ կթարմացնեն տվյալները, որից հետո նորից կարող են փորձել: Սակայն թարմացնելուց հետո նորից չի ստացվել:

15.08.2023թ.-ին նորից կապ է հաստատել էլեկտրոնային հարցերով մասնագետների հետ, որտեղ նշել է, որ ընկերության մոտ առկա խնդիրը չի վերացվել և չեն կարողանում ներկայացնել հաշվետվությունը, ի պատասխան՝ ՊԵԿ-ի մասնագետը նշեց, որ կկատարվի թարմացում ու ավելի ուշ փորձեն:

16.08.2023թ.-ին փորձել են մուտք գործել համակարգ բերում է հետևյալ հաղորդագրությունը՝ «Հարկատու ակտիվ չէ»: Նորից կապ է հաստատում մասնագետի հետ, որտեղ տեղեկացնում են արդեն, որ մեր կազմակերպությունը արդեն լուծարված է և դուք չեք կարող ներկայացնել հաշվետվությունը:

Փաստորեն տեղի է ունեցել տեխնիկական խնդիր, որի պատճառով կազմակերպությունը չի կարողացել լուծարման գործընթացի ժամանակ ներկայացնել հաշվետվությունը, վերոգրյալի ապացույցը 31.07.2023թ.-ին, 07.09.2023թ.-ին, 09.08.23թ.-ին և 14.08.23թ.-ին հաշվետվությունների ներկայացման փորձերի ժամանակ կայքի էջից կատարված լուսանկարն են, որը ներկայացնում է կից ֆայլերով:

Հաշվի առնելով վերոգրյալ հանգամանքները, բողոքաբերը խնդրում է հարցին լուծում տալ:

Քննարկվող դեպքում սույն դիմում-բողոքը նշանակված է եղել 07.09.2023թ.-ի գրավոր ընթացակարգով նիստում որոշում կայացվելու համար, սակայն Հանձնաժողովի անդամների կողմից ներկայացվել են միջնորդություններ՝ դիմում-բողոքը բանավոր ընթացակարգով քննության առնելու վերաբերյալ:

Տվյալ դեպքում, 14.09.2023թ.-ի բանավոր ընթացակարգով նիստի քննարկման ընթացքում Կազմակերպության ներկայացուցիչը նշեց, որ 2023 թվականի տարեկան շահութահարկի հաշվարկով հարկային պարտավորություն չի առաջանում, իսկ Հանձնաժողովը փաստեց, որ տվյալ դեպքում առկա է եղել տեխնիկական խնդիր, որի պատճառով կազմակերպությունը չի կարողացել լուծարման գործընթացի ժամանակ ներկայացնել հաշվետվությունը:

ՀՀ հարկային օրենսգրքի 442-րդ հոդվածի 2-րդ մասի 8-րդ կետի համաձայն՝ հարկային մարմնի բողոքարկման հանձնաժողովն ընդունում է հարկ վճարողի դիմում-բողոքի քննարկման վարույթը կարճելու մասին համապատասխան գրավոր որոշում, եթե բացակայում է հարկային մարմնի կողմից բողոքարկվող անհատական իրավական ակտի, գործողության կամ անգործության դեպքը:

Տվյալ դեպքում բացակայում է հարկային մարմնի կողմից բողոքարկվող անհատական իրավական ակտի, գործողության կամ անգործության դեպքը:

Ելնելով վերոգրյալից և ղեկավարվելով ՀՀ հարկային օրենսգրքի 442-րդ հոդվածի 2-րդ մասի 8-րդ կետի դրույթներով ՀՀ ՊԵԿ հարկային և մաքսային մարմինների բողոքարկման հանձնաժողովը գտնում է, «ՍԱԼՅՈՒՏ ՊԼՅՈՒՍ ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՄԱՍՆԱԾՅՈՒՂ» Օտարերկրյա իրավաբանական անձի մասնաճյուղի դիմում-բողոքի քննարկման վարույթը ենթակա է կարճման:

Ելնելով վերը նշված իրավանորմների դրույթներից և ղեկավարվելով Հայաստանի Հանրապետության հարկային օրենսգրքի 20-րդ բաժնով, «Մաքսային ծառայության մասին» Հայաստանի Հանրապետության օրենքի 37-րդ հոդվածով, Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը

ՈՐՈՇՈՒՄ Է՝

2023 թվականի շահութահարկի տարեկան հաշվարկը հարկային մարմին հանձնելու վերաբերյալ «ՍԱԼՅՈՒՏ ՊԼՅՈՒՍ ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՄԱՍՆԱԾՅՈՒՂ» Օտարերկրյա իրավաբանական անձի մասնաճյուղի դիմում-բողոքի քննարկման վարույթը կարճել:

Սույն որոշումն ուժի մեջ է մտնում իրազեկելուն հաջորդող օրվանից:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել դատարան:

ՀԱՆՁՆԱԺՈՂՈՎԻ ՆԱԽԱԳԱՀ՝

9/18/2023

X 

ԿԱՐԵՆ ԹԱՄԱԶՅԱՆ

Signed by: TAMAZYAN KAREN 2612840184

ԿԱՐԵՆ ԹԱՄԱԶՅԱՆ